

UNIVERZITET U TUZLI

Na osnovu Odluka Senata Univerziteta u Tuzli broj: 03-8403-1-4.4/25 od 20.11.2025. godine i broj: 03-8970-1-7.4/25 od 08.12.2025. godine, Projekta sufinansiranja zapošljavanja u javnim univerzitetima/sveučilištima u FBiH 2025 broj: 01/1-9341/25 S.D. od 13.10.2025. godine, te Odluka Vlade Tuzlanskog kantona o davanju prethodne saglasnosti broj: 02/1-11-35044-3/25 od 26.12.2025. godine i broj: 02/1-11-35044-4/25 od 26.12.2025. godine, raspisuje

KONKURS

za prijem u radni odnos na određeno vrijeme izabranih viših asistenata na Univerzitetu u Tuzli po Projektu sufinansiranja zapošljavanja u javnim univerzitetima/sveučilištima u Federaciji BiH 2025

na uže naučne oblasti kako slijedi:

Farmaceutski fakultet

Saradnik u saradničko zvanje viši asistent za užu naučnu oblast "Biohemija" 1 izvršilac

Tehnološki fakultet

Saradnik u saradničko zvanje viši asistent za užu naučnu oblast "Hemijsko inženjerstvo" 1 izvršilac

Kandidati moraju ispunjavati opće i posebne uslove i to:

1. Opći uslovi:

- a) da je državljanin Bosne i Hercegovine;
- b) da je zdravstveno sposoban za obavljanje poslova radnog mjesta asistenta/višeg asistenta;
- c) da mu odlukom suda nije zabranjeno obavljanje poslova radnog mjesta asistenta/višeg asistenta;
- d) da se na njega ne odnosi član IX.1. Ustava Bosne i Hercegovine,
- e) da nije pravosnažno osuđen na kaznu zatvora u trajanju dužem od tri mjeseca za neko od krivičnih djela iz stava (3) člana 59. Zakona o visokom obrazovanju (Prečišćeni tekst) ("Službene novine TK", br. 21/21, 22/21, 5/22, 11/22,16/22, 5/25 i 14/25)

2. Posebni uslovi:

- a) da ima izbor u saradničko zvanje višeg asistenta na Univerzitetu u Tuzli na užu naučnu oblast na koju se prijavljuje,
- b) da se nalazi na evidenciji nezaposlenih lica kod Službe za zapošljavanje Tuzlanskog kantona prije zaključivanja ugovora o radu po ovom Konkursu.

Napomena: Asistenti/viši asistenti koji su ranije ostvarili sufinansiranje po Projektima sufinansiranja zapošljavanja na Univerzitetu u Tuzli, mogu biti maksimalno sufinansirani na period do tridesetpet (35) mjeseci.

Uz svojeručno potpisanu prijavu na konkurs kandidat je dužan dostaviti:

- dokaze o ispunjavanju općih uslova, i to:

- a) uvjerenje o državljanstvu BiH, ne starije od šest mjeseci, u originalu ili fotokopiji ovjerenoj kod nadležnog organa ili notara;
- b) izjavu da mu odlukom suda nije zabranjeno obavljanje poslova radnog mjesta na koje aplicira, ovjerenu kod nadležnog organa ili notara,
- c) izjavu da se na njega ne odnosi član IX. 1. Ustava Bosne i Hercegovine, ovjerenu kod nadležnog organa ili notara,
- d) izjavu da nije pravosnažno osuđen na kaznu zatvora u trajanju dužem od tri mjeseca za neko od krivičnih djela iz stava (3) člana 59. Zakona, ovjerenu od strane nadležnog organa ili notara ili uvjerenje o nekažnjavanju ne starije od tri mjeseca, izdato od strane nadležnog organa, u originalu ili fotokopiji ovjerenoj od strane nadležnog organa ili notara.

- dokaze o ispunjavanju posebnih uslova, i to:

- a) odluku o izboru u saradničko zvanje višeg asistenta na Univerzitetu u Tuzli na užu naučnu oblast na koju se prijavljuje, po kojoj teče izborni period,
- b) potvrdu Službe za zapošljavanje Tuzlanskog kantona da se nalazi na evidenciji nezaposlenih lica (a koju kandidat može dostaviti uz prijavu na konkurs, a najkasnije dan prije zaključivanja ugovora o radu).

U slučaju da se na Konkurs za određenu poziciju prijavi više kandidata čije su prijave blagovremene i potpune i koji ispunjavanju uslove Konkursa, rangiranje kandidata vrši se po kriterijima utvrđenim članom 245. Statuta (Prečišćeni tekst) broj: 03-5695-1-2/23 od 18.10.2023. godine, broj: 03-3905-1-1/24 od 09.07.2024. godine, broj: 03-5111-1-1/24 od 19.09.2024. godine i broj: 03-1596-1-1/26 od 27.02.2026. godine i Pravilnikom o načinu vrednovanja kriterija u postupku izbora asistenata i viših asistenata na Univerzitetu u Tuzli broj: 03-6205-1-1/20 od 24.12.2020. godine, broj: 03-3840-1-4/22 od 21.07.2022. godine i broj: 03-6746-1-1/23 od 21.11.2023. godine (u daljem tekstu: Pravilnik), s tim da se bodovanje vrši samo na osnovu pruženih dokaza.

Spisak dokumentacije na osnovu koje se vrši rangiranje kandidata nalazi se na web stranici www.untz.ba/konkursi

Dokazi traženi Konkursom dostavljaju se u originalu ili fotokopiji ovjerenoj kod nadležnog organa ili notara, izjave ovjerene kod nadležnog organa ili notara, a naučni/stručni radovi u fotokopiji.

Primjeri Izjava se mogu naći na web stranici Univerziteta u Tuzli www.untz.ba/konkursi.

Prijem u radni odnos vrši se na određeno vrijeme **do 31.12.2026. godine**, u skladu sa Programom.

Kandidat koji bude primljen u radni odnos, dužan je prije zaključivanja ugovora o radu dostaviti ljekarsko uvjerenje nadležne zdravstvene ustanove, ne starije od 6 (šest) mjeseci i potvrdu kantonalne Službe za zapošljavanje Tuzlanskog kantona da se nalazi na evidenciji nezaposlenih lica, dan prije zaključivanja ugovora o radu.

Univerzitet u Tuzli zadržava pravo da ne zaključi ugovor o radu ukoliko izabrani kandidat ne bude na evidenciji nezaposlenih lica dan prije zaključivanja ugovora o radu.

Rok za podnošenje prijava na Konkurs je 15 dana od dana objavljivanja u listu „Dnevni avaz“ i na web stranici Univerziteta www.untz.ba

Prijava na konkurs sa dokazima iz Konkursa dostavlja se putem Pisarnice Univerziteta ili preporučeno poštom na adresu: UNIVERZITET U TUZLI, Ul. Dr. Tihomila Markovića broj 1, 75000 Tuzla sa naznakom „Prijava na Konkurs za prijem u radni odnos na određeno vrijeme izabranih viših asistenata na Univerzitetu u Tuzli po Projektu sufinansiranja zapošljavanja“, sa obaveznom naznakom naziva Fakulteta i uže naučne oblasti – „NE OTVARAJ!“

Nepotpune, neblagovremene i nedopuštene prijave neće se uzeti u razmatranje.